

1400

22
—
9-13

1882



2010

ՀԱՏՈՒԱԾԻ

Գ Ս. ԳԳՈՅ

Ս. ԳՐԲՍՄԱՆԵԱՆ



ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ ԱՐԱՄԱՅ Մ. ԱՇԽԵԱՆ
ՄԻՍՊԵՏԻՂԻԻ ԻՍՆ ՎԱՐԻ ՑԱՐԿ ԹԻՒ 35

1882

22
7-13
ւժ.

ՀԱՏՈՒԱԾՔ

Կ Ա. Գ Բ Ո Ց



Ս. ԳԱԲԱՄԱՆԵԱՆ



ԿՈՍՏԱՆԴՆՈՒՊՈԼԻՍ
ՏՊԱԳՐՈՒԹԻՒՆ ԱՐԱՄԱՅ Մ. ԱՇՃԵԱՆ
ՍԻՄՊԵՐԼԻՒՆ ԻՍՆ ՎԱՐՔ ԶԱՐԿ ԹԻՒ 33

1882

ԱՌ

ԳԵՐ. Յ. ՄԱՏԹԵՆՈՍ ԱՐՔԵՊԻՍԿՈՓՈՍ

Ի ԶՄԻՐԼԵԱՆ

ԱՌԱՔԵԼԱՇՆՈՐՀ ՊԱՇՏՈՆԵԱՅ ԵԿԵՂԵՑԻՈՑ

ՇՆՈՐՀԱՊԱՐՏ ԶԳԱՅՄԱՆՑ

ԱՐՁԱՆԱԿԱՆ

2001

30088-4. h.



(4975
47)

13314-58

Ի՞րր իշխեմ գրեզ երգել ի ձայն իմ փանաք ,
կրօնից մերոց դո՛ւ յողնաջան ըսպասեակ .
Յորժամ ողի զարթուցեր յիս երկիւղած ,
Տեղի յինէն ետուն չարիք քաջ ի բաց :
Վարժեալ ի կրօն ի մանկութեան իմում քե ,
Բե ես ունայն ծանեայ զաշխարհ արդարե :
Ի բանից քոց որք ի յունկն իմ հընչեն դեռ ,
Զգայի յայնժամ յանձին հրճուանս դեր ի վեր .
Ո՛վ սուրբ կըրօնք , դու յարուցեր ինձ հայր հեղ ,
Որպէս մանկանց խաբայի ըզՄովսէս :
Զիա՛րդ զբարիսդ հատուցանել է ինձ մարթ ,
Բայց թէ եւեթ առ սէր քո կալ չնորհապարտ :

Եմ՝ Սրբազնութեանդ
Ն. Ծ.

ՍԻՄՈՆ ԳԱՐԱՄԱՋԵԱՆ

Բ. 11551

ՅԱՌԱԶԱԲԱՆ

Աստուածաշունչ գրոց սոյն գեղեցիկ հատուածները , որ քաղեցի ընտրողութեամբ Հէրոէր Գերմանացի երեւելի աստուածաբանէն և որուն հետեւած է Վ. Տիւրիի Գաղղիացի մեծանուն պատմագիրն , 'ի յաւելուածի անդ Ս. Գրոց պատմութեան իւրոյ , կլնծայեն բարեպաշտ սրահրու հոգեզուարճ զմայլում և ախորժ , զորս անհնար է ընթեռնուլ առանց յաւելչտակուելու անոնց վեմ իմաստներէն . Ս. Գիրքն ինսպառ գանձ մ'է ամեն անոնց , որ զանի ուշի ուշով կ'ընթեռնուն , և այս հատուածներն նորա գեղեցիկ մասերէն կաղմուելով են իրաւամբ փունջ մի ողեպարար բանից :

Ուստի փափաքելի է որ այս հատուածքս մանկանց նուիրուին յուսուցչաց կամ ի ծնողաց երբեմն երբեմն զանոնք բացատրելով ի լուր նոցա . կը խնդրուի մասնաւորապէս ի Մեծ. Ուսուցչաց հայկաբանութեան , որ սա՛ ընդունին իբրեւ գրքոյկ վերլուծութեան իրենց յանձնուած մանկաւոյն համար , ներողամիտ գտնուելով պատահած դժուարութեանց , որպէս զի տղայք ընտելանալով տակաւ առ տակաւ ուսման գրաւոր բարբառոյս , սկսին սերմանուիլ նոցա մատաղ սրտերուն մէջ հաւատոյ և բարոյականի հունձքերը . յայնժամ պիտի վաթճատրուի գրքոյկիս աշխատասիրողն :



ՀԱՅՈՒԱԾԲ ԻՍ. ԳՐԱՅ

ԱՐԱՐԶՈՒԹԻՒՆ

«Օրհնեա անձն իմ՝ զՏէր, տէր Աստուած իմ՝
մեծ եղեր յոյժ:

«Արկար զլոյս որպէս զօթոց, ձգեցեր զեր-
կինս որպէս զխորան և արկար ՚ի վերայ ջուրց
զվերնայարկս նորա:

«Ո՛ դնէ յամպս զգնացս իւր, և շրջի նա ՚ի վե-
րայ թեւոց հողմոց:

«Ո՛ հաստատեաց զերկիր ՚ի վերայ հաստատու-
թեան իւրոյ, զի մի սասանեսցի յաւիտեան:

«Խորք որպէս զգետ վերարկու է նորա,
՚ի վերայ լերանց կացցեն ջուրք:

«Ի սաստէ քումմէ փախիցեն, և ՚ի ձայնէ որո-
տալոյ քումմէ սարսիցեն:

«Ելանեն լեռնանան՝ և իջանեն զաշտանան, ՚ի
տեղի յոր հաստատեցեր ցնոսա:

«Սահման եղեր և ոչ անցանեն, և ոչ եւս
դառնան ՚ի ծածկել զերկիր:

«Առաքեցեր զաղբիւրս ընդ ծործորս, ի միջոյ
լերանց գնացցեն ջուրք: Յրբույանել զամե-

Նայն գաղանս վայրի, յագեցին ցիւք 'ի ծա-
րաւ իւրեանց :

«Անդ թռչունք երկնից բոյնս գիցեն, և 'ի մի-
ջոյ վիմաց տացեն զձայնս իւրեանց :

«Արբուցանէ զլերինս 'ի շտեմարանաց իւրոց ,
'ի պողոյ գործոց իւրոց լցցի երկիր :

«Բուսուցեր զխոտ 'ի լերինս, զգալարի 'ի ծա-
ռայութիւն մարդկան : Հաներ զհաց յերկրէ ,
գինի ուրախ առնէ՝ իւզ զուարթ, և հաց հաս-
տատէ զսիրտ մարդոյ :

«Յագեացին ծառքն անտառի, և մայրքն Լիւրա-
նանու զորս գուռ տնկեցեր : Անդ թռչունք
երկնից ձագս հանցեն :

«Արարեր զլուսին վասն ժամանակի, արեգակն
ծանեաւ զժամ՝ մտանելոյ իւրոյ :

«Արարեր զխաւար և եղեւ գիշեր, 'ի նմա
գնան ամենայն գաղանք անտառի :

«Կորինք առիւծուց մանչեն և յափշտակեն ,
և խնդրեն յԱստուծոյ զկերակուրս իւրեանց :

«Ի ծագել արեւու ժողովին, և 'ի մարիս իւր-
եանց դադարին : Ելանէ մարդ 'ի գործս իւր ,
և 'ի վաստակս ձեռաց իւրոց մինչեւ յերեկոյ :

«Որպէս զի մեծ են գործք քո Տէր, զամե-
նայն ինչ իմաստութեամբ արարեր, և լցաւ
երկիր ստեղծուածովք քովք :

«Այս ծով մեծ և անդորր, 'ի սմա են սողունք,
որ ոչ գոյ թիւ, գաղանք մեծամեծք և մա-

նունք . 'ի սմա և նաւք գնան . վիշապն զոր
ստեղծէր խաղալ նովաւ :

«Ամենեքեան քեզ սպասեն, և դու տաս կե-
րակուր նոցա 'ի ժամու : Տաս դու նոցա և
կերակրին, բանաս զձեռն քո կերակրես զա-
մեսեան կամօք քովք :

«Դարձուցանես զերեսս քո 'ի նոցանէ և խոռ-
վին, հանես զողի 'ի նոցանէ, պակասին և
'ի հող դառնան :

«Առաքես զողի քո և ստանաս գնոսս, և նո-
րոգես զերեսս երկրի ⁽¹⁾ : »

«Երկինք պատմեն զխառն Աստուծոյ, և զա-
րարածս ձեռաց նորա պատմէ հաստատութիւն :

«Օր՝ աւուր բոլիւն գրան. և գիշեր՝ գիշերի ցու-
ցանէ զգիտութիւն :

«Ոչ են բանք և ոչ են խօսք, որոց ոչ լին
ձայնք նոցա : Ընդ ամենայն երկիր ել բար-
բառ նոցա, և մինչեւ 'ի ծագս աշխարհի են
խօսք նոցա :

«Յարեւու եհար զխորան իւր, և ինքն որպէս
փեսայ զի ելանէ յառագաստէ իւրմէ, և
ցնծայ նա որպէս հսկայ յընթանալ զճանա-
պարհս իւր :

«Ի ծագաց երկնից են ելք նորա, հանգիտո
նորա մինչև 'ի ծագս նորուն, և ոչ ոք իցէ,
որ թաքիցէ 'ի տապոյ նորա ⁽²⁾ :

(1) Սաղմոս. ԺԳ. 4-30 :

(2) Սաղմոս. ԺԲ. 1-7 :

ԿԱՐՈՂՈՒԹԻՒՆ ԵՒ ԻՄԱՍՏՈՒԹԻՒՆ

ՏԵՍՈՒՆ ԱՍՏՈՒԾՈՅ

«Աքանչելի եղեւ գիտութիւն քո յինէն, զօրացաւ, և ոչ հանդարտեմ սմա :

«Յո՞ երթայցես յողոյ քումմէ, և կամ յերեսաց քոց ես յո՞ փախեայց :

«Թէ ելանեմ յերկինս, դու անդ ես, և թէ իջանեմ ՚ի գոգոսս՝ և անդր մօտ ես :

«Թէ առից զթեւս իմ ընդ առաւօտս, և բնակեցայց յեղերս ծովու : Սակայն և անդ ձեռն քո առաջնորդեսցէ ինձ, և աջ քո ընկալցի զիս :

«Ասացի թէ խաւար ուրեմն արդեօք ծածկեաց զիս, կամ գիշեր փոխանակ լուսոյ փափկութեան իմոյ : Խաւարն՝ ՚ի քէն ոչ խաւարանայ, և գիշերն որպէս տիւ լուսաւոր եղիցի, և խաւար նորա որպէս և լոյսնորա⁽¹⁾ :»

«Զի իմաստուն է մտօք՝ զօրաւոր և մեծ : Ո՞ր խտացաւ ընդդէմ նորա, և հանդարտեաց :

«Որ հնուցանէ զլերինս, և ոչ գիտեն. որ տապալէ զնոսա բարկութեամբ :

«Որ շարժէ զառ ՚ի ներքոյս երկնից ՚ի հիմանց և սիւնք նորա գողտն :

(¹) Սաղմոս. ձԼԸ. 6-12 :

«Որ ասէ արեգական, և ոչ ծագէ, և ընդդէմ աստեղաց կնքէ :

«Որ ձգեաց զերկինս միայն, և շրջի ՚ի վերայ ծովու իբրեւ յատակի :

«Որ արար զբազմաստեղն, և զգիշերավարն, և զսայլն, և զշտեմարանս հարաւոյ :

«Որ առնէ զմեծամեծս՝ և զանքնինս՝ և զփառաւորս՝ և զհրաշակերտս՝ որոց ոչ գոյ թիւ⁽¹⁾ : »

«Այսպէս ասէ Տէր. երկինք աթոռ իմ են՝ և երկիր պատուանդան ոտից իմոց⁽²⁾ : »

«Զի իբրեւ զմէտ մի ՚ի նժարից կշռոց է ամենայն աշխարհս առաջի քո. եւ իբրեւ զկաթ մի առաւօտի ցօղոյ՝ որ իջանէ յերկիր⁽³⁾ : »

ՏԵՐ ԴԱՏԷ ԶԺՈՂՈՎՈՒՐԴ

«Տէր ՚ի Սիոն մեծ է, և բարձր է ՚ի վերայ ամենայն Ժողովրդոց⁽¹⁾ : »

«Աստուած եկաց ՚ի Ժողովս աստուածոց⁽²⁾, և ՚ի միջի նոցա դատէր զնոսա :

«Մինչեւ յե՞րբ դատիք անիրաւութեամբ, և ակն առնուք մեղաւորաց :

«Դատ տրարէք որբոյն եւ այրոյ. իրաւունս արարէք տնանկին եւ խոնարհի :

(¹) Յովբ. Թ. 4-10 :

(²) Վսայի ԿԶ. 4 :

(³) Իմաստ. ԺԱ. 23 :

(⁴) Սաղմոս ԴԸ. 2 :

(⁵) Իմա՝ իշխանայ :

«Ապրեցուցէք զաղբատն եւ զանանկն՝ ի ձեռաց մեղաւորի փրկեցէք զնոսա :

«Ոչ իմացան եւ ոչ ի միտ առին՝ ի խաւարի գլխացին՝ եւ շարժեցան ամենայն հիմունք երկրի :

«Ես ասացի թէ աստուածք իցէք կամ՝ որդիք բարձրելոյ ամենեքեան :

«Դուք աւագիկ որպէս զմարդիկ մեռանիք . որպէս զմի յիշխանաց անկանիք :

«Արի Աստուած՝ եւ դատեալ զերկիր՝ զի դու ժառանգեցես զամենայն հեթանոսս (1) : »

«Ունին լսէ՝ եւ ակն տեսանէ՝ Տեառն դործուած են երկոքեան (2) : »

«Որպէս զի թէ որ անկեաց զունկն՝ ինքն ոչ լիցէ . կամ որ ստեղծ զակն՝ ինքն ոչ տեսանիցէ (3) : »

ՅՈՅՍ Ի ՏԷՐ

Անիծեալ լիցի մարդ՝ որ արացէ գոյս իւր ի մարդ , եւ ապաստան լինիցի ի մարմին բաղկի նորա . եւ ապստամբիցէ ի Տեառնէ սիրտ նորա :

«Եւ եղիցի իբրեւ զմոշավայրի յանապատի . եւ մի տեսցէ յորժամ գայցէ բարութիւն եւ բնակեացէ յաղտաղտուկս անապատի , յեր-

(1) Սաղմոս 20. (2) Առաքելք Ի. 12:

(3) Սաղմոս 99. 9:

կիր աղտաղտուկ ուր ոչ երբէք բնակիցին :
«Եւ օրհնեալ լիցի մարդն՝ որ յուսացաւ ի Տէր՝ եւ եղիցի Տէր յոյս նորա , եւ եղիցի իբրեւ զծառ զուարճացեալ ի գնացս ջուրց . եւ ընդ գնացս ջուրցն ձգտեցուացէ զարմատս իւր . եւ մի երկիցէ յորժամ հասանիցէ տօթ :
Եւ եղիցին տեղիս նորա անտառացեալ շուրջ զնովաւ , յամէ երաշտութեան մի երկիցէ .
եւ մի կասեացի ի տալոյ զպտուղ (4) : »

ԻՄԱՍՏՈՒԹԻՒՆ

«Ես մի բերանոյ անտի բարձրելոյն յառաջ եկի , եւ իբրեւ զմէգ ծածկեցի զերկիր :

«Երջեցայ ես զծագօք երկրի , զանդունդս խորոց կոխեցի : Երջեցայ ես ի վերայ ալեաց ծովու եւ ընդ ամենայն երկիր , եւ զամենայն ազգս նտացայ : Եւ յետ այսր ամենայնի հանգիստ լնդրեցի : Եւ արդ՝ յոր ժառանգութեան հանգեայց ես :

«Եւ ասէ ցիս Տէր . ի մէջ Յակոբու բնակեացես դու , եւ Իսրայէլ ժառանգութիւն քո . ի սրբութեան նորա պաշտեցից , եւ ի Սիոն հաստատեցայ ի սիրեցեալն իմ՝ քաղաք , նա իբրեւ զիս :

«Եւ հանգեայ ես յերուսաղէմ իշխանութիւն իմ , եւ ես ի նմա :

(4) Երեմիա Ժ. 5-8 :

«Եւ հաստատեցայ ի մէջ Խորայելի՝ ի վիճակ
ժառանգութեան Աստուծոյ :

«Իբրեւ նոճ բարձր ի լերինն Լիբանանու : Եւ
իբրեւ սարդ ի լերինն Հերմոնի : Եւ իբրեւ վար-
դենի նորատունկ յերիքով :

«Եւ իբրեւ ձիթենի վայելուչ ի դաշտի : Եւ
իբրեւ սաւս ի գնացս Նուրց բարձրացայ : Հոտ
արձակեցի իբրեւ զլինամին , և իբրեւ զմու-
ռըս ընտիրս արձակեցի հոտ անուշութեան :

«Եւ իբրեւ բեւեկնի արմատացուցի զոտս իմ :
«Ոստք իմ ոստք փառաց եւ չնորհաց : Մա-
տիք առ իս որ ցանկայք ինեւ եւ ի պտղոյ
արմտեաց իմոց լցլիք : ⁽¹⁾

«Որ լսէ ինձ , ոչ ամաչէ , և որք գործեն ի-
նեւ , ոչ մեղանչեն : Իմաստութիւն չինեաց
զիւր տուն , և կանգեաց սիւնս եօթն :

«Ձեն զգենլիս իւր , և խառնեաց ի խառնելիս
զգինի իւր , և պատրաստեաց զսեղան իւր :

«Եւ առաքեաց զժառայոյ իւր , կոչել բարձր
քարոզութեամբ ի խառնելիս իւր , և ասէ , որ
ոք իցէ անըզգամ եկեսցէ առ իս , և ցպա-
կասամիտս ասէ , եկայք կերայք ի հացէ իմմէ
և արբէք զգինի իմ զոր խառնեցի ձեզ :

«Թողէք զանգագամութիւն և կեցջիք , խնդրե-
ցէք զիմաստութիւն զիսպրեսջիք , եւ ուղղե-

⁽¹⁾ Սիրաք ԻԴ. 2-30 :

ցէք զիտութեամբ զհանճար ⁽¹⁾ :

«Տէր հաստատեաց զիս ի սկիզբն ճանապար-
հաց իւրոց ի գործս իւր , յառաջ քան զյա-
ւիտեանս հաստատեաց զիս : Ի սկզբանէ յա-
ռաջ քան զերկիր առնել , և նախ քան զան-
դունդս գործել , և նախ քան զբլիսել աղ-
բերաց Նուրց :

«Մինչդեռ պատրաստ էր զերկինս՝ ընդ նմա
էի . և մինչ զատուցանէր զաթոռ իւր ի վե-
րայ հողմոց :

«Եւ յորժամ զօրացուցանէր զամպս վերինս ,
և յորժամ հաստատուն դնէր զաղբիւրս ի
ներքոյ երկնից , ի ժամանակի յորում հաս-
տատուն դնէր զհիմունս երկրի :

«Ես էի առ նովաւ պատշաճեալ : Ես էի որով
ուրախ լինէր Տէր հանապազ , և ցնծայի ա-
ռաջի նորա յամենայն ժամ :

«Յորժամ ուրախ լինէր ընդ աշխարհին բո-
վանդակել , և ցնծայր յորդիս մարդկան :

«Ես իմաստութիւն բնակեցայ ի խորագիտու-
թեան . զխորհուրդս և զգիտութիւն կոչեցի
իս :

«Ինեւ թագաւորք թագաւոր են , և հզօրք
գրեն զարդարութիւն , ինեւ մեծամեծք մե-
ծանան և բռունք ինեւ ունին զերկիր :

«Ես՝ որ զիսն սիրեն , սիրեմ . և որ զիս
խնդրեն գտցեն չնորհս :

⁽¹⁾ Սիրաք . Թ. 1-6 :

«Երանեալ է այր որ լուիցէ ինձ և մարդ որ
զճանապարհն իմ պահիցէ (1) :»

ՄԱՐԳԱՐԷ

(Երբեմն ժողովրդին աղիւլից տեսնէ է որ մարդարէն
կը բռնադատէ խօսելու :)

«Որովայն իմ որովայն ցաւի և ճաշակելիք
սրտի իմոյ հեծէին, սիրտ իմ գելու, և անձն
իմ ոչ դադարեացէ զի ձայն փողոյ լուաւ
անձն իմ, զգոյժ պատերազմին և զթշուառու-
թեան (2) :»

«Տէր, Տէր, տայ ինձ լեզու խրատու, զի գի-
տացից խօսել ի ժամու դբանն :

«Պատրաստեաց զիս ընդ առաւօտս, յաւել ինձ
տնին ի լսել, և խրատ տեսառն բանայ զական-
ջըս իմ, և ես ոչ խստանամ և ոչ ընդդէմ
դառնամ :

«Զթիկունս իմ ետու ի հարուածս, զծնօտս
իմ յապտակս, և զերեսս իմ ոչ դարձուցի
յամօթոյ ընդ երեսս թքանելոյ :

«Եւ Տէր Տէր եղեւ իմ օգնական, վասն այ-
սորիկ ոչ ամաչեցի, այլ արարի զդէմս իմ իբ-
րեւ զվէմ հաստատուն : Եւ գիտացի թէ ոչ
ամաչեցից :

(1) Առաւելք Ը : «Այս գլխոյս տունն բուն կար-
ող փոփոխուած է :»

(2) Երեմիա Գ. 10 :

«Զի մերձ է որ արդարացուցանէն զիս, ո՞վ է
ստիճան իմ, եկեսցէ և կացցէ ի մէջ. և ո՞վ է
որ դատին զիս, մերձեսցի առ իս :

«Ահա աղիկ դուք ամենեքեան իբրեւ զճորձս
հնաւիք, և ցեց մեցամէս կերիցէ զձեզ :

«Ո՞վ իցէ ի մէջ՝ որ երկնչի ի Տեառնէ,
լուիցէ զձայն ծառայի նորա. որ գնային ընդ-
խաւար՝ և ոչ գոյր նոցա լոյս, յուսացեալք
յանուն Տեառն և խրախուսեալք յԱստ-
ուած (1) :»

«Եւ ես էի ի մէջ գերութեան, առ ամսն
Քորար գետոյ. և բացան երկինք, և տեսի
զտեսիլ Աստուծոյ :

«Եւ տեսի՝ և ահա հողմ՝ վերացեալ գայր
ի հիւսիսոյ, և ամպ մեծ ի կողման նորա և
լոյս շուրջ զնովաւ, և հուր փայլատակէր
ի նմանէ. և ի մէջ նորա իբրեւ զտեսիլ բազ-
մագունի ականց, և ճառագայթք ի նմա :

«Եւ ի մէջ նորա կերպարանք չորից գաղա-
նաց. և այս տեսիլ նոցա. կերպարանք
մարդոյ ի վերայ նոցա. եւ չորք դէմք միոյ,
և չորք թեւք միոյ միոյ ի նոցանէ, եւ բարձք
նոցա բարձք ուղորդք. և ոտք նոցա թեւա-
ւորք էին, և կճզակք նոցա իբրեւ զկճզակս
որթուց. և կայծակունք թօթափէին ի նոցանէ

(1) Եսայի Կ. 4-11 :

իրբեւ 'ի փայլատականց պղնձոյ :
«Եւ թեւք իւրեանց երազունք էին . և ձեռն մարդոյ 'ի ներքոյ թեւոց նոցա 'ի չորեսին կողմանս նոցա . և երեսք նոցա և թեւք չորեցունց ընդ միմեանս թեւակից էին խառնեալ . և զերեսս իւրեանց 'ի գնալն , յետս ընդդէմ ոչ դարձուցանէին . իւրաքանչիւր

հանդէպ երեսաց իւրեանց գնային :

«Եւ կերպարանք երեսաց 'նոցա' կերպարանք մարդոյ' և կերպարանք առիւծու , յաջմէ չորեցունց . և կերպարանք եղին , և կերպարանք արծուոյ 'ի ձախմէ չորեցունց . այս կերպարանք նոցա :

«Եւ թեւք նոցա տարածեալ 'ի վերուստ չորեցունց . իւրաքանչիւր երկու երկու խառնեալ ընդ միմեանս , և երկու երկու ծածկէին 'ի վերուստ զմարմինս իւրեանց :

«Եւ իւրաքանչիւր հանդէպ երեսաց իւրեանց գնային . յոր կողմն դիմէր հողմն՝ գնային , և յետս ընդդէմ ոչ դառնային 'ի գնացս իւրեանց :

«Եւ 'ի մէջ գազանացն տեսիլ իրբեւ զկայծականց հրոյ բորբոքելոյ . և իրբեւ զտեսիլ զամբարաց խառնելոց 'ի մէջ գազանացն , և լոյս հրոյ . և 'ի հրոյ անտի փայլատակունք հատանէին . եւ գազանքն երազս ընթանալին , և թեթեւս դառնային 'ի նմանութիւն աւրեգական :

«Եւ տեսանէի և ահաւասիկ 'անիւ մի , յերկրի զհետ գազանացն չորեցունց . և կերպարանք անուոյն և արար նոցա՝ իրբեւ զտեսիլ աւանց թարշի , և կերպարանք չորեցունց՝ և տեսիլ նոցա , և գործուած իւրեանց , որպէս

թէ չրջիցի անիւ 'ի մէջ անուոյ :

«Լի էին աչօք թիկունք նոցա շուրջ զչորեքումք . և 'ի գալ գազանացն , գնային և անիւքն ընդ նոսա , և 'ի վերանալ գազանացն , յերկրէ՝ վերանային և անիւքն . ընդ որ կողմն գիմէր ամպն և հողմն , երթային գազանքն և անիւքն ընդ նոսին վերանային զի ոգի կենդանի գոյր յանիւն :

«Եւ նմանութիւն հաստատութեան 'ի վերայ գլխոյ գազանացն իրբեւ զտեսիլ ական վանի՝ տարածեալ 'ի վերայ թեւոց նոցա 'ի վերուստ :

«Եւ 'ի ներքոյ հաստատութեան թեւք իւրեանց տարածեալ սաւառնէին ընդ միմեանս . և իւրաքանչիւր երկու երկու ծածկէին ըզմարմինս իւրեանց :

«Եւ լսէի զձայն թեւոց նոցա 'ի սաւառնելն իրբեւ զձայն ջուրց բազմաց , և իրբեւ զձայն Աստուծոյ սատայի : Եւ 'ի գնալն իւրեանց ձայն պատգամաց իրբեւ զձայն բանակի : «Եւ ահա բարբառ 'ի վերուստ քան զհաստատութիւն որ էր 'ի վերայ գլխոց նոցա

իրբեւ զտեսիլ ական շափիղայ, եւ նմանութիւն ակօռոյ 'ի վերայ նորա, եւ 'ի վերայ ակօռոյն: Նմանութիւն կերպարանայ մարդոյ: «Եւ տեսանէի իրբեւ զտեսիլ ական բազմագունի, և միջովք չափ 'ի խոնարհ» նմանութիւն հրոյ, եւ ըյոյն որ շուրջ գնովաւ բակ ունէր (1): »

«Իւ այս տեսիլ նմանութիւն վառացն Տեառն :
«Իբրեւ տեսի՛ անկայ ՚ի վերայ երեսաց իմոց ,
և լուայ բարբառ որ խօսէր ընդ իս՝ եւ ա-
սէր . որդի մարդոյ՝ կայ ՚ի վերայ ոտից քոց ,
եւ խօսեցայ ընդ քեզ :

Ի՞նչ եկին 'ի վերայ իմ' հոգի, վերացոյց եւ
կանգնեաց կացոյց 'ի վերայ ոտից իմոց. եւ
լսէի զի խօսէր նա ընդ իս, եւ ասէր՝ որդի
մարդոյ՝ ես առաքեցից վրեժ առ դառնա-
ցուցիչ տունդ Իսրայելի . . . և խօսեացիս ընդ
նոսա դքսնս զպալոսիկ :

«Տեսի՛ եւ ահա ձեռն ձգեալ առ իս, եւ 'ի նմա մատեան մի գրոյ, եւ պարզեաց առաջի իմ'. եւ էր գրեալ 'ի նմա ներքոյ եւ արտաքոյ՝ ողբս եւ ձայնս եւ մայրս (2) :

«Եւ ասէ ցիր, որդի մարդոյ՝ զոր ինչ գտա-
նես ի դմա՝ կե՛ր, կե՛ր մանր զմատենդ-
դայդ. եւ գնա՛ եւ խօսեաց ընդ որդիսն»

Խորայեղի (1) : »

(Երեմիա նուազ եռանդով՝ և նուազ միջուխեամբ
կիմացնէ իւր մարդարեական պաշտօնը , քաղցր նկար-
ներով և չքեղ պատկերներով):

«Իղեւ բառ Տեառն առ իս՝ և ասէ. մինչչեւ
ստեղծեալ էիր յորովայնի, գիտեմ՝ ըզքեզ, և
մինչչեւ ելեալ էիր յարգանդէ, սրբեցի զքեզ,
մարգարէ ՚ի հեթանոսս եդի ըզքեզ :

«Եւ ասեմք. որ ետդ Տէ՛ր, Տէ՛ր. ահաւաստիկ եւ խօսեւ իսկ ոչ գիտեմք, զի մանուկ եմ ես: «Եւ ասէ ցիւս Տէր. մի՛ ասեր եթէ մանուկ եմ ես, զի առ ամենեսեան առորս առաքեցից զքեզ՝ երթիցես, և ըստ ամենայնի զոր միանգամ պատուիրեցից քեզ՝ խօսեսցիս: «Եւ ձգեաց Տէր զձեռն իւր առ իս և մերձեցոյց ի բերան իմ, և ասէ ցիւս. ահա ետու զբանս իմ ի բերան քո ⁽²⁾ :

This image shows a full page of dot grid paper. The background is a light cream or off-white color. Overlaid on this background is a precise grid of small, solid black dots. The dots are arranged in straight horizontal and vertical rows, creating a series of small squares across the entire surface. There are no margins, text, or other markings on the page.

.
: : : : : .⁽¹⁾ :

«Քանն որ եղեւ առ Երեմիա 'ի Տեառնէ՝ և
ասէ . արի՛ էջ 'ի տուն բրտին , և անդ լը-
ուիցես զբանս իմ :

«Իջի 'ի տուն բրտին , և ահա նա գործէր 'ի
վերայ վիմաց :

«Եւ անկաւ աման մի՝ զոր ինքն գործէր 'ի
կաւոյն՝ 'ի ձեռաց նորա . և դարձեալ արար
զնա այլ աման՝ որպէս հաճոյ եղեւ առաջի
նորա առնել :

Եւ եղեւ բան Տեառն առ իս՝ և ասէ . ահա-
ւադիկ իբրեւ զկաւդ 'ի ձեռս բրտիդ , այդ-
պէս էք 'ի ձեռս իմ տունդ . Իսրայելի (2) :

ԿՈՒՌՔ

«Ձի թեքեաց հիւսն զգործի իւր . ուրադ-
սրեաց , և կոփեաց նովաւ . դրով գործեաց
և դրօշեաց զնա , և զօրութեամբ բազկի
իւրոյ կանգնեաց զնա , քաղցիցէ և տկա-
րասցի և ոչ արբցէ ջուր :

«Րնտրեաց հիւսն փայտ . չափով կշռեաց
զնա՝ և դրօշմեաց 'ի նմանութիւն պատկերի .
դրով կարգեաց զնա , և մածոյց զնա ստըն-
ձով . և արար ի պատկեր առն և 'ի զարդ գե-

(1) Կառավարութեան կողմանէ այս տողերը յա-
պաւուած է :

(2) Երեմիա ԺԸ. 1-6 :

ղոյ երեսաց մարդոյ . հաստատեաց զնա 'ի
տան իւրում :

«Ձայն փայտ զոր եհատն . զսարոյն՝ կամ ըզ-
սաւսն , զկաղնին կամ զթէղօշն . զոր տնկեաց
Տէր եւ աճեցոյց անձրեւ :

«Ձորոյ զկէսն այրեաց 'ի խարոյկի , և եփեաց
կայծակամբք նորա հաց՝ և խորովեաց միս ,
կերաւ և յագեցաւ , և ջեռաւ , և ասէ՝ վաշ
ինձ զի ջեռայ՝ և տեսի՝ զկրակ :

«Եւ զկէսն արար յԱստուած դրօշմեալ . և խո-
նարհեալ երկիր եպագ նմա . յաղօթս կայ
առ նա՝ և անէ , փրկեա զիս՝ զի Աստուած իմ
ես դու :

«Գիտասջիր զի մխիթ է սիրտ նոցա (1) :

(Մի եւ նոյն հեղինութիւնը իմաստութեան գրոց հե-
տեւեալ մասին մէջ կը գտնուի) :

«Ապա թէ ոք ատաղձագործ հիւսն՝ զփայտ
ինչ գեղեցիկ սղոցեալ՝ քերեաց ճարտարու
թեամբ զամենայն կեղեւ նորա , և հնարեալ
վայելուչ անօթ պիտանի կաղմեաց 'ի սպասա-
ւորութիւն կենաց :

Եւ զաաշիղ գործոյն 'ի պատրաստութիւն կե-
րակոյ ծախեալ յագեցաւ . եւ որ ինչ 'ի նո-
ցանէ անպիտան և խոտան էր :

(1) Եսայի Խ Ի. 12-17, 20 :

«Զիպյան խեղաթիւր և ոստովք վարակեալ,
առեալ դրօշմեաց մտադրութեամբ գործոյն
իւրոյ, և խելամուռութեամբ իմաստութեան
տպաւորեաց զնա:»

«Եւ նմանեցոյց զնա պատկերի մարդոյ՝ կամ
անասնոյ վատթարի ճշգրտեցոյց զնա:

«Ծեփեաց բռով, և կարմրացոյց սնգուրաւ
զգոյն նորա, և զամենայն խնդբունդս նորա
ծեփեաց հողով: Եւ արար նմա տուն ըստ
նմին արժանի. եդ զնա առ որմ հաստաւ
տեալ երկաթով, և զգուշացաւ նմա զի մի
կործանեսցի:

«Եւ վասն ամուսնութեան և որդւոց և ըս-
տացունածոց իւրոց՝ մատուցեալ շնչէ առ
անշնչին. աղաչէ և ոչ ամաչէ:

Եւ վասն առողջութեան՝ զպսկկարն կարդայ,
և վասն կենաց զմեռեալն աղաչէ, և վասն
իթիկունս հասանելոյ՝ տարակուսելոյն մաղ-
թէ: (1) »

(Սաղմոս ճԺԳ գլխոյն մէջ կըսուի նաեւ)

«Մի երբէք ասացեն ՚ի հեթանոսս, թէ ուր
է Աստուած նոցա:

«Աստուած մեր յերկինս և յերկրի, զամե-
նայն զոր ինչ կամեցաւ և արար:

«Կուռք հեթանոսաց ոսկի և արծաթ են,

ձեռագործք են որդւոց մարդկան: Բերան
ունին՝ և ոչ խօսին, աչս ունին և ոչ տեսա-
նեն: Ականջս ունին՝ և ոչ լսեն, ունչս ու-
նին՝ և ոչ հոտոտեն: Ձեռս ունին՝ և ոչ շո-
շափեն, ոտս ունին՝ և ոչ դնան, և ոչ գոյ
բարբառ ՚ի կոկորդս նոցա:

«Նման նոցա եղիցին՝ ոյք արարին զնոսս.
ամենեքեան ոյք յուսացեալ են ՚ի նոսս (1):»

ՄԲԻԻԿ

«Եւրջ եղեն զինեւ երկունք մահու. ուղիւք
անօրէնութեան խռովեցուցին զիս: Վիշաք
գժոխոց պաշարեցին զիս. ժամանեցին ինձ
որդայթք մահու:

«Ի նեղութեան իմում ես առ Տէր կարդացի,
և առ Աստուած իմ՝ աղաղակեցի:

«Լուաւ ինձ ՚ի տաճարէ սրբոյ իւրմէ՝ ձայնի
աղթից իմոց, և աղաղակ իմ՝ առաջի նորա
մոցէ յականջս նորա:

«Խռովեցաւ եւ դուրաց երկիր՝ եւ հիմունք
լերանց սասանեցան եւ խռովեցան՝ զի բար-
կացաւ ՚ի վերայ նոցա Աստուած:

«Եւ ծուխ ՚ի բարկութենէ նորա, և հուր յե-
րեսաց նորա բորբոքեցաւ և փայլատակունք

(1) Իմաստ. ԺԳ: 11-18

(1) Սաղմոս ճԺԳ. 2-8:

հասան 'ի նմանէ :

«Խոնարհեցոյց զերկինս եւ էջ, և մէդ 'ի ներքոյ ոտից նորա : Եւ 'ի քրովբէս և թռեալ և սլացաւ նա 'ի թեւս հողմաց :

«Եդ զխաւարն 'ի ծածկոյթ իւր, և շուրջ զնովաւ եւն յարկք իւր . և խաւարային շուրջ մինչեւ յամպս օդոց :

«Ի փայլատակել նորա առաջի նոցա , ամպք անցուցին զկարկուտ և զկայծակունս հուր :

«Որոտաց Տէր յերկնից , և բարձրեալն ետ զձայն իւր 'ի կարկուտ և 'ի կայծակունս հուր :

«Առաքեաց զնետս իւր և ցրուեաց զնոսա , յաճախեաց զփայլատակունս իւր և խռովեցոյց զնոսա :

«Երեւեցան աղբերք շուրց , և յայանեցան հիմունք աշխարհի : Ի ոստոէ քումմէ Տէր և 'ի շնչել հոգւոյ բարկութեան քո :

«Առաքեաց 'ի բարձանց և ընկալաւ զիս , ընկալաւ զիս 'ի շուրց բազմաց ⁽¹⁾ :

«Ձայն Տեառն 'ի վերայ շուրց , և Աստուած փառաց որոտաց , և Տէր ինքն 'ի վերայ շուրց բազմաց :

«Ձայն Տեառն զօրութեանց , և ձայն Տեառն մեծ վայելչութեանց : Ձայն Տեառն փշրէ քմայրս և մանրէ Տէր զմայրսն Լիբանանու ⁽²⁾ :

(1) Սաղմոս. ԺԷ. 5-17 : (2) Սաղմոս ԵԸ. 3-5 :

ԿԻՆ. ՉԱՐ

«Որդեակ՝ մի հայեր ընդ կին չար . զի մեղք կաթէ 'ի չըրթանց կնոջ պոռնկի , որ առ ժամանակ մի պարարէ գրիմս քո . բայց յետոյ դառնադոյն եւս գտցես քան զլեզի . և սրեալ առաւել քան զսուր փրկայրի :

«Չի ստք անդգամի իջուցանեն զմերձաւորս նորա մահու հանգերձ 'ի դժոխս ⁽¹⁾ »

«Եւ գտի ես զնա՝ և ասեմ թէ դառն է քան զմահ հանգերձ կնաւն՝ որ է որս և թակարդսրտի նորա և կապանք 'ի ձեռս նորա :

«Բարին առաջի երեսաց Աստուծոյ զերծցի 'ի նմանէ և որ մեղաւորն է ըմբռնեացի 'ի նմա ⁽²⁾ :»

ԵՐԳ. ԱՌԱԳԱՍՏԻ

«ՀԱՐՍՆ . - Սեաւ եմ ես և գեղեցիկ , դքստերք երուսաղեմի , իբրեւ զփրանս Կեդարու , և իբրեւ զխորանն Սողոմոնի :

«ՓԵՍՍՅՆ . - Էս ծաղիկ դաշտաց՝ շուշան հովտաց : Իբրեւ շուշան 'ի մէջ փշոց . այնպէս մերձաւորդ իմ 'ի մէջ դասերաց : Երդ ֆնեցուցանեմ զձեզ , դասերք երուսաղեմի 'ի զօրութիւնս և յուժգնութիւնս անդատտանի ,

(1) Առակք Ե. 3-5 : (2) Ժողովող Է. 27 :

եթէ յառնիցէք՝ զարթուցիք զսէրն մինչեւ
կամեսցի :

« ՀԱՐՄՆ. — Ձայն եղբորորդւոյ իմոյ , ահաւա-
սիկ սա եկն վազս առնու 'ի վերայ լեռանց՝
խաղաղացեալ 'ի վերայ բլրոց :

« Նման է եղբորորդին իմ այժմանն կամ որ-
թուց կզանց 'ի վերայ լեռանց Բեթելայ :

« Պատասխանի տայ եղբորորդին իմ ինձ՝ և
ասէ , արի եկ մերձաւոր իմ : Ձի ահա ձմե-
ռն էանց , անձրեք անցին և զնացեալ
մեկնեցան , ծագիկք երեւեցան յերկրի մե-
րում . ժամանակ եհաս հատանելոյ՝ ձայն
տատրակի լսելի եղէ : յերկրի մերում : Թը-
ղենի արծակեաց զբոլոր իւր , որթք մեր
ծաղկեալք ետուն զհոտ իւրեանց , երեւեցո
ինձ զերեսս քո , և լսելի արա ինձ զբարբառ
քո , զի բարբառ քո քաղցր է՝ և տեսիլ քո
զեղեցիկ (1) : »

ԿԵՆՅԱՆ ԾԱՌԱՅԱԿԱՆ

« Երանի ամենեցուն որք երկնչին 'ի Տեառնէ ,
և գնան 'ի ճանապարհս նորա :

« Ձգտտալս ձեռաց քոց կերիցես , երանի է
քեզ եւ բարի եղիցի :

(1) Երգ երգոց :

« Կին քո որպէս զայդի վայելուչ յանկիւնս
տան քոյ . որպէք քո որպէս նորատունկ ձի-

թենւոյ շուրջ զսեզանով քով :

« Տեսցես դու զորդիս որդւոց քոց , խաղաղու-
թիւն 'ի վերայ Իսրայելի (1) »

« Կին ժրագլուխ եթէ գտանիցի , պատուա-
կանագոյն է այնպիսին քան զականս պատու
ուսականս :

« Վստահ է 'ի նա սիրտ առն իւրոյ . այնպիսին
աւարաց երբէք ոչ կարօտացի : Գործակիցէ
առն իւրում ամենայն բարեաց և կենաց՝ ոչ
չարեաց :

« Գտեալ ասր և կտաւ՝ արար անօթս պիտա-
նիս ձեռօք իւրովք . եւ եղեւ իբրեւ զնաւ
չահարեր , 'ի հեռաստանէ ժողովէ իւր զանձն :

« Յառնէ ընդ արշալուրջս և տայ՝ կերակուր ըն-
տանեաց , և դործ նաժշտաց :

« Ձձեռս իւր ընդարձակեաց աղքատաց , և
կարկաղ պտուղ տնանկին :

« Արար առնն իւրում բեհեզս և ծիրանիս , և
անձին իւրում արկանելիս :

« Եւ երեւելի է 'ի դրունս այր նորա , յորժամ
նստիցի 'ի ժողովրդեան 'ի մէջ ծերոց և բը-
նակչաց երկրի :

« Զբերան իւր երաց չափով և իմաստու-

(1) Սաղմոս. ձեհ. 4-6 :

Թեամբ. և կարդ եղ լեզուի իւրում :
 « Զգորութիւն և զմեծ վայելչութիւն զգե-
 ցաւ . և ուրախ եղեւ յաւուրս յետինս :
 « Եւ այր նորա գովէ զնա՝ և ասէ : Բազումք
 գտներք ստացան զմեծութիւն . բազումք
 արարին զօրութիւն . բայց դու առաւել ե-
 ղեր՝ և անյուցեր զամենեքումք :
 « Սուտ հաճութիւնք և բնդունայն գեղ կնոջ
 ոչ գոյ ՚ի քեզ , զի կին իմաստուն և բարե-
 պաշտօն օրհնեսցի և գովեոցի ՚ի դրունս այր
 նորա (1) : »
 « Զի՞ բարի կամ զի՞ վայելչւն , զի բնակին
 եղբարք ՚ի միասին :
 « Որպէս իւզ զի իջանէ ՚ի գլուխ և ՚ի մօ-
 րուն Ահարօնի , և ՚ի մօրուայն իջանէ ՚ի գը-
 րապանս զգեստու նորա :
 « Որպէս ցօղ զի ցօղէ ՚ի Հերմանէ , ՚ի վերայ
 լերին Սիոնի : Անդ պատրաստեաց Տէր ,
 զօրհնութիւն և զկեանսն յաւիտենից (2) : »

ՅԱՐԳԱՆԻ ՈՐԴԻԱԿԱՆ

« Որդեակ՝ ՚ի գործս և ՚ի խօսս եւ յամե-
 նայն ժառկալութեան պատուեա զհայր : Զի
 ՚ի վերայ եկեսցէ քեզ օրհնութիւն ՚ի նմա-
 նէ , եւ օրհնութիւն նորա մինչեւ ՚ի վախճան

(1) Առաւելք ԼԱ. 10-31 : (2) Սողմա ՃԼԲ :

մնացէ : Եւ որպէս ոք գանձէ , նոյնպէս
 եւ որ պատուէ զմայր իւր :
 « Որդեակ՝ զօրավիգն լեր ծերութեան հօր քո ,
 եւ մի՛ տրամեցուցաներ զնա ՚ի կեանս նորա :
 « Զի վառք մարդոյ ՚ի վերայ մեծարանայ հօր
 իւրոյ , եւ մի՛ տրամեցուցես զնա ՚ի կեանս
 նորա : Զի վառք մարդոյ ՚ի վերայ մեծարա-
 նաց հօր իւրոյ , նախատինք որդւոյ՝ անար-
 գանք մօր :
 « Առաւել վատահամբաւ է որ թողու զհայր ,
 եւ անիծեալ է յԱստուծոյ որ գառնացուցա-
 ցէ զմայր (1) : »

ԱՊՍՏՈՒՆ

« Զի տէր եղ ուխտ ՚ի մէջ քո , եւ ՚ի մէջ
 կնոջ մանկութեան քոյ զոր թողերն . եւ նա-
 էր ամուսին եւ կին ուխտի քոյ : Եւ ասա-
 ցէք՝ թէ զինչ այլ ինչ խնդրէ Աստուած՝ եւ
 թէ ոչ զաւակ :
 Զգուշացարուք յոգիս ձեր , եւ գլին ման-
 կութեան քոյ մի՛ թողուր , բայց եթէ առ ա-
 ւել արձակեսցես՝ ասէ Տէր Աստուած Իս-
 րայելի : Ծածկեսցէ ամբարշտութիւն զխոյն-
 հուրդս քո՝ ասէ Տէր ամենակալ : (2) »

(1) Սերազ Գ : (2) Մաղաքիա Բ. 14-16 :

ԾՈՒԼՈՒԹԻՒՆ

«Երթ առ միջինն՝ ո՛վ վատ, և նախաձեռն
ընդ ճանապարհս նորա եւ լեր իմաստնագոյն
եւս քան զնա : Զի նորա ոչ գոյ հողագործ-
ութիւն և ոչ հարկադիր, եւ ոչ ընդ տե-
րամբէ, եւ պատրաստէ ամարանի զկերա-
կուր բազում եւ համբարս զնէ 'ի հունձս :
«Կամ երթ առ մեղուն, զի թէպէտ եւ ար-
կար է զօրութեամբ, պատուեաց զիմաստու-
թիւն՝ եւ յարգեցաւ :

«Մինչեւ յերբ անկեալ կաս, ո՛վ վատ, կամ
ե՞րբ 'ի քնոյ զարթիցես : Փոքր մի ննջիցես
փոքր մի նաաիցիս, փոքր մի նիրհիցես . փո-
քրը մի հանգուցանիցես՝ զձեռն քո 'ի վերայ
լանջաց :

«Ապա հասանիցէ 'ի վերայ քո իբրեւ զչար
ուղեւոր սնանկութիւն . եւ կարօտութիւն
իբրեւ զժիր սուրհանդակ :

«Ապա թէ անդանդաղ լինիցիս, հասանիցէ իբ-
րեւ զաղբիւր ամառն քո, եւ կարօտութիւն
իբրեւ զայր մի չար ինքնահալած : (1)»

«Յանկութիւնք սպանանեն զվատս, զի ոչ յօ-
ժարեն ձեռք նորա գործել ինչ (2) :»

(1) Առակք 2. 6-11:

(2) Առակք ԻԱ. 25:

ԱՐՔԵՑՈՒԹԻՒՆ

«Մեծամեծքն բարկասիրաք են, գինի մի
արբցեն . զի մի իբրեւ արբցեն՝ մոռանայ-
ցեն զիմաստութիւն, եւ ուղիղ ոչ կարիցեն
գառել զակարն :

«Տուք զարբեցութիւն տրամեցելոյ, և գինի
ըմպել ցաւագնոտաց, զի արբցեն՝ և մոռա-
ցին զտնանկութիւնս իւրեանց, և զցաւս
իւրեանց ոչ եւս յիշեցան (1) :»

«Ո՛ւմ է վայ ո՛ւմ խռովութիւնք, ո՛ւմ են դա-
տաստանք . ո՛ւմ գոնդակութիւնք և վա-
րանք . ում ջաղջախանք տարապարտուց . ո՞յր
են կապուտակ ականդիք : Ոչ ապաքէն այ-
նոցիկ՝ որք յամենն 'ի գինուջ :

ՈՂՈՐՄՈՒԹԻՒՆ

«Ապա եթէ 'ի տաշտս և 'ի բաժակս արձա-
կեցես զաչս քո, յետոյ չըջիցիս մերկագոյն
քան զսանդատուն :

«Եւ 'ի վախճանի իբրեւ զօձահար տարածի-
ցիս, և իբրեւ իժի. թոյնք սփռեցին (2) :»

«Մի յապաղեր բարի առնել կարօտելոյ,
յորժամ ձեռնհաս իցես օգնել նմա : Մի ա-
սիցես թէ երթ և եկես՝ ջիր, և վաղիւ տաց,
զի ոչ գիտես, զինչ վաղիւն ծնանիցի քեզ (3) :»

(1) Առակք ԼԱ. 4-7:

(2) Նոյն ԻԴ. 23-33:

(3) Նոյն Դ. 27-28:

«Փոխ տայ Աստուծոյ , որ ողորմի տնանկին ,
բոտ տրոց նորա հատուցէ նմա (1) : »

«Եթէ քաղցեալ է թշնամին քո՝ կերակրեա
ղնա , եթէ ծարաւի՝ տուր բմպել . Աստուած
հատուցէ զայն քեզ (2) : »

«Ձհուր վառեալ՝ շիջուցանէ ջուր , և զմեզս
բազումս քաւեն ողորմութիւնք (3) : »

ԲԱՆԱԿԱՆՈՒԹԻՒՆ ԵՐԱՆԱԻՏ

«Երկուս ինչս խնդրեմ իքէն Տէր , մի հաներ
յինէն զչնորհս մինչչեւ մեռեալ իցեմ : »

«Ձբան զուր և սուտ՝ հեռի արա յինէն : Մեծու-
թիւն և տնանկութիւն մի տար ինձ . այլ
կշռեա ինձ զարժանն բաւականութեամբ : »

«Ձի մի՝ մեծագայց՝ և ստեցից . և ասիցեմ ,
թէ ո՞վ տեսանիցէ զիս . կամ աղքատացայց
և գողացայց , և երգուայց յանուն Աստու-
ծոյ իմոյ (4) : »

ԸՆԴՈՒՆՍՅՈՒՆ ԵՒ ԱՄԵՆՍՅՈՒՆ ԻՆՁ

«Ունայնութիւն ունայնութեանց՝ ամենայն
ինչ ընդունայն է : Ձինչ աւելի է մարդոյ
յամենայն վաստակս իւր զոր տաժանի ընդ-
արեգակամբ : »

Աղգ երթայ և ազգ գայ՝ և երկիրս յաւի-
տեան կայ :

(1) Առաւել Ժ. 17 :

(2) Առաւել Ի. 24 :

(3) Սիրաք Գ. 33 :

(4) Նոյն Լ. 7-9 :

«Ծագէ արեգակն՝ և մտանէ արեգակն , և ի տե-
ղի իւր ձգի . ի ծագել իւրում՝ ելանէ ընդ հա-
րաւ և պատի ընդ հիւսիսի , պտտելով պատի .
գնայ հողմ և ի չրջանս իւր գառնայ հողմ :
«Ամենայն ուխք ի ծով գնան , և ծով ոչ
լնու , ի տեղի յոր ուխք գնան՝ անդ նոքին
գառնան ի գնալ :

Ձինչ է որ եղեն , նոյն ինքն որ լինելոց է և
զինչ է որ արարաւն՝ նոյն ինքն որ առնելոցն է :
«Եւ ոչ է ամենայն առ ժամայն ընդ արեգա-
կամբ . զի զոր խօսիցի ոք՝ և ասիցէ՝ ահա-
ւասիկ այս նոր է , վաղ իսկ եղեալ ի յաւի-
տենից եղելոցն նախ քան զմեզ :

«Ոչ գոյ յիշատակ առաջնայն . նաեւ ոչ վերջ-
նոցն որ լինելոց են , ոչ գոյ յիշատակ նոցա
ընդ լինելոցն ի վախճանի :

«Ես ժողովօղ , եղէ թագաւոր ի վերայ իս-
րայելի յերուսաղէմ և ետու զսիրտ իմ
խնդրել և խորհել իմոտութեամբ վասն ա-
մենայնի որ եղեալ են ընդ արեգակամբ :

«Ձի զբազումս չար ետ Աստուած որդւոց
մարդկան զբազել ընդ արեգակամբ :

«Տեսի ես զամենայն արարեալս որ արարեալ են
ի ներքոյ արեգական . և ահա ամենայն ինչ
ընդունայնութիւն է և յօժարութիւն ոգւոյ . . .
և որ յաղովեաց ի գիտութիւն յաւելցէ իցաւս (1) :

(1) Ժողովօղ Ա. 2-18 :

ՏԿԱՐՈՒԹԻՒՆ ԿԵՆՍՅ

«Ամենայն մարմին խոտ է , և ամենայն փառք մարդոյ իբրեւ զծաղիկ խոտոյ : Յամաքեցաւ խոտն եւ թօթափեցաւ ծաղիկն նորա և բան Տեառն մնայ յաւիտեան (1) : »

«Բարի է երթալ 'ի տուն սգոյ՝ քան երթալ 'ի տուն արբեցութեան, զի այն է կատարած ամենայն մարդոյ (2) : »

«Իարձայ և տեւի ես զամենայն զրպարտութիւնս որ լինին ընդ արեգակամբ, և ահա արտասուք զրպարտելոյն . և ոչ ոք էր որ մխիթարէր զնոսա . և 'ի ձեռս զրպարտչաց նոցա բռնութիւնք : Եւ դովեցի ես զամենայն մեռեալսն որ յառաջագոյն մեռան, քան զկենդանիսն՝ որ ցայժմ՝ կենդանի իցեն : Եւ քան զնոսա զերկոսին լաւ այն է որ չեւ եւս իցէ լեալ (3) : »

Զիարդ հպարտանայ երկիր և մոխիր, այսպէս և թաղաւոր այսօր է և վաղիւն մեռանի : Զի յորժամ մեռանիցի մարդ, ժառանգեսցէ զտղունս և զգազանս և զորդունս :

ՄԱՆ

Յուսացեալք 'ի զօրութիւն իւրեանց, 'ի բազմութիւն մեծութեան իւրեանց պարծեսցին : «Եղբայր ոչ փրկէ՝ և ոչ փրկէ մարդ և ոչ տայ Աստուծոյ փրկանս , և ոչ զգինս փրկա-

(1) Եսայի Խ. 6-8: (2) Ժողովող Ե. 3:

(3) Ժողովող Դ. 1-3:

նայ անձին իւրոյ : Վաստակեա յաւիտեան, և կեցցես մինչ 'ի սպառ և ոչ տեսցես զապականութիւն :

«Յորժամ տեսցես թէ իմաստունք մեռանին, 'ի միասին անզգամք և անմիտք կորիցեն, և թողցեն օտարաց զմեծութիւնս իւրեանց : Գերեզմանք տունք նոցա եղիցին յաւիտեան, և յարկք նոցա յազգէ մինչեւ յազգ, և կարգացին անուանք նոցա 'ի հողս իւրեանց :

«Մարդ 'ի պատուի էր և ոչ իմացաւ, հաւասարեաց անասնոց անբանից և նմանեաց նոցա : «Այս ճանապարհ է գայթակղութեան նոցա նոցին, յետ այսորիկ բերանօք իւրեանց հաճեսցին : «Որպէս խաչն 'ի դժոխս մասնեսցին և մահ հովուեսցէ զնոսա և տիրեսցեն նոցա ուղիղք ընդ առաւօտս :

«Օգնութիւնք նոցա մաշեսցին 'ի դժոխս և 'ի փառաց իւրեանց անկցին :

«Բայց սակայն Աստուած փրկեսցէ զանձն իմ 'ի ձեռաց դժոխոց, յորժամ ընդունին զիս :

«Մի երկնչիր յորժամ մեծանայ մարդ, և յորժամ բազում լինին փառք տան նորա : Զի ոչ թէ 'ի մեռանել իւրում առցէ ընդ իւր զամենայն և ոչ թէ ի ջցեն փառք տան նորա ընդ նմա : «Այլ անձն նորա 'ի կեանս իւրում օրհնեսցի, խոստովան եղիցի քեզ յորժամ բարի արասցես դու նմա : (1) »

(1) Սաղմոս ԽԸ. 7-18:

Արքայ թագ

ԱՐԴԱՐՆ ԵՒ ԱՄԲԱՐԻՇՏ

«Այր անօրէն և անդգամ գնայ զճանապարհս
թիւրս . . . վասն այնորիկ յանկարծակի հառ-
ցէ նմա կորուստ իւր, հաշումն և մաշումն
առանց բժշկութեան (1) : »

«Խորհեցան յանձինս իւրեանց զանուղղայս
և ասին . սակաւ և ցաւագին են կեանք մեր,
և ոչ գոյ բժշկութիւն 'ի վախճանի մարդոյ . և
չերեւեցաւ որ դարձաւ 'ի գոխոյ :

«Զի յանկարծակի իմն եղաք . և յետ այսորիկ
լինիցիմք իբրեւ զչեղեալք : Զի իբրեւ զծուխ
է շունչ յրոնգանս մեր, և իբրեւ զկայծակն
բան 'ի շարժման սրտի մերում :

«Յորոյ չի՞մանէն՝ մոխիր լինի մարմինն, և ոգին
սփռի իբրեւ զօդ թոյլ : Եւ անունս մեր մոռացի
ժամանակաւ և ոչ ոք յիշատակեսցէ զգործս մեր :

«Անցցեն կեանք մեր իբրեւ զհետս ամպոյ,
և իբրեւ զչամանգաղ ցրուեսցին հալածեալք
'ի ճառագայթից արեգական, և 'ի տապոյ
նորա ծանրացեալք :

«Արդ՝ եկայք՝ և վայելեսցուք 'ի բարութիւնս
որ կանոն . և վարեսցուք արարածովքս զբաղ-
եալք իբրեւ 'ի մանկութեան :

«Պէտպէ՛ս գինեօք և անոյշ իւղովք լցցուք .
մի անցցէ առ մեօք ծաղիկ գարնայոյ : Բա-

լորիւք վարդից պսակեսցուք՝ մինչեւ թա-
ռամեալ իցեն :

«Զայս խորհեցան և խաբեցան. զի կուրացոյց
զոտս չարութիւն իւրեանց : . . . Զի Աստուած
հաստատեաց զմարդն յանեղծութեան, և 'ի
պատկեր իւրոյ բարերարութիւն արար զնա :
«Յայնժամ՝ խռովեալ անհնարին երկիւղիւ,
մեք անմիտք զվարս դորա մոլորութիւն հա-
մարէաք՝ և զվախճան դորա անարգութիւն :
Զիսրդ համարեցաւ ընդ որդիս Աստուծոյ,
և ընդ սուրբս վիճակ դորա :

«Զինչ չահ եղեւ մեզ հպարտութիւն, և զինչ
մեծութիւն ամբարտաւանութեան իցէ մեզ
նպաստաւոր :

«Անց այն ամենայն իբրեւ զստուեր . և իբ-
րեւ զհամբաւ առն ընթացեալ, եւ իբրեւ
զնաւ սահեալ 'ի ջուրց կուտակելոց, զորոյ
իբրեւ անցանիցէ՝ ոչ գոյ զհետսն գտանել .
և ոչ զչաւիղս գնացից նորա 'ի մէջ ալեաց :
«Կամ իբրեւ զհաւու թռուցելոյ յօդս, որոյ
ոչ գտանին նշմարանք գնացից . բաղխելով
մագլացն պատառեալ զհողմն թեթեւ և հեր-
ձեալ բռնութեամբ ընդ ոլորտս մտանէ. յա-
ծել թեւոցն . յառաջագէ՛մ սլանայ կամ իբ-
րեւ 'ի նետէ ձգելոյ 'ի նպատակ՝ կտրեալ
օդն վաղվաղակի յինքն կարկատեցաւ առ
'ի զդիտելոյ զանցս նորա : Նոյնպէս և մեք
եղեալք՝ պակասեցաք . և առաքինութեան

(1) Առակք 2. 12-15:

նշանակ ոչ կարացաք ցուցանել. բայց 'ի չարիս մեր մաշեցաք :

« Զի յոյս ամպարչտի իբրեւ զփոշի յարուցեալ 'ի հողմոյ . և իբրեւ զսարգիստայն և զեղեանն 'ի մրկէ հալեալ մանրի , և իբրեւ զծուխ մաշեալ 'ի հողմոյ . կամ իբրեւ զյիշատակ իջաւորի միոյ աւուր գնացելոյ :

« Բայց արդարք յաւիտեան կեցցեն . և 'ի տեառնէ վարձք նոցա , և խնամք նոցա 'ի բարձրելոյն : Վասն այսորիկ ընկալցին զարքայութեան վայելչութիւն , և զթագն գեղեցկութեան 'ի ձեռանէ Տեառն : (1) »

« Տեսի զամպարիշտն վերացեալ , բարձրացեալ որպէս զմայրս Լիբանանու : Անցի' և ահա ոչ էր . խնդրեցի' և ոչ գտաւ տեղի նորա : (2) »

ՆԵՐՐՈՎԹ ԿՈՄ ԷՁ ԱՐՔՍՅԻՆ ԲՍԲԵԼՍՅԻՈՅ

Ի ԴԺՈՒՍ

« Իւ եղիցի յաւուր յայնմիկ , հանգուցէ զքեզ Տէր 'ի ցաւոյ և 'ի սրամոռութենէ քում մէ . և 'ի ծառայութենէ խոտութեան՝ զոր ծառայեցեր նոցա : Եւ առցես զողբս զայս 'ի վերայ թագաւորին բարեւաջոց , և ասասցես յաւուր յայնմիկ . զի արդ գաղարեալ կայ պահանջողն , հանգեաւ տագնապողն : Զի խորտակեաց Տէր զլուծ մեղաւորացն՝

զլուծ իշխանաց . սատակեաց զազգոն սրբամոռութեամբ . անհնարին հարուածովք բարկութեամբ յանձնայ . հանգեաւ յուսով երկիր ամենայն , և գոչէ ուրախութեամբ . եւ փայտքն Լիբանանու ոտնահար եղեն քեզ , և մայրքն Լիբանանու ասեն . թէ յորմէ հետէ դու դադարեցեր՝ ոչ ելին 'ի մեզ փայտահարք :

« ԴԺՈՒՔ 'ի ներքուստ գառնայան 'ի պատահեն քեզ . կանգնեցան միանգամայն հսկայքն ամենայն . որ լեալ էին իշխանք երկրի . որ յարուցին յաթոռոց իւրեանց զամենայն թագաւորս ազգաց : Ամենքեան պատասխանի տացեն քեզ՝ և ասացեն . և դու իբրեւ զմեզ ըմբռնեցար , և ընդ մեզ համարեցար . իջին 'ի դժոխս փառք քո և բազում ուրախութիւնն քո , 'ի ներքոյ քոյ մէցս տարա՝

Տեսցեն , և 'ի վերայ քո որդն յարկցի :

« Զի արդ անկաւ յերկնից արուսեալն՝ որ ընդ առաւօտն ծագէր . անկաւ յերկիր , խորտակեցաւ՝ որ առաքէր առ ամենայն ազգս :

« Դու ասէիր 'ի մոի քում . ելից յերկինս , 'ի վերոյ քան զաստեղս երկնից արկից զաթոռիմ . նստայց 'ի լերինն բարձու , 'ի վերայ լեւանց բարձանց հիւսիսոյ . ելից 'ի վեր քան զամպս , եղէց նմանօղ բարձրելոյն : Արդ՝ ահա աղիկ 'ի դժոխս իջցես և 'ի հիմունս երկրի . որք տեսանիցեն զքեզ՝ զարմասցին 'ի վերայ քո , և ասացեն . այս այն այր է , որ զայրացու-

(1) Իմաստ. Բ. Ե : (2) Սաղմոս ԼԳ. 35-36 :

ցանէր զերկիր, շարժէր զթագաւորս, որ առնէր զամենայն տիեզերս աւերակ, և քակէր զքաղաքս նոցա. գերեաց գերեգարձ ոչ արար: «Ամենայն թագաւորք սղգաց ննջեցին պատուով. այր իւրաքանչիւր՝ ի տան իւրում. և գուանկցիս ի վերայ լերանց իբրեւ զմեռեալ դարչելի:»

«Պատրաստեա զորդիս քո ի սպանումն վասն մեղաց հարց իւրեանց...: Յարեայց ի վերայ նոցա, ասէ Տէր, և կորուսից զանուանս նոցա և զզարմ. և արարից զԲաբելոն աւերակ, չի բնակեսցեն ի նմա ողնիք և արարից զնա խորխորատ տղմոյ ի կորուստ: (1)»

ՅՈՅՍ ԹԱՌԱՊԱՅՍ

«Ուրախ լեր անապատ ծարաւի. ցնծասցէ անապատն և ծաղկեսցէ՝ իբրեւ զչուշան: «Էւ ծաղկեսցէ և ցնծասցէ անապատն Յորդանանու. և փառքն Լիբանանու տացի նմա. և պատին Կարմելայ, և ժողովուրդ իմ տեսցէ ըզփառս Տեառն և զբարձրութիւն Աստուծոյ մերոյ: Զօրացարուք ձեռք լքեալք՝ և ծունկք կլծուցեալք. մխիթարեցարուք կարճամիտք սրբալիք. զօրացարուք և մի երկնչիք:»

«Ահաւասիկ Աստուած մեր հատուցանէ դատաստան՝ և հատուցէ. ինքնին եկեսցէ՝ և փրկեսցէ զմեզ:»

(1) Եսայի ԺԴ. 3-23:

Յայնժամ աչք կուրաց բացցին՝ և ականջք խլից լուիցեն, յայնժամ վազեսցէ կաղն իբրեւ զեղջերու, և սարդ լիցի լեզու ծանրախօսաց: Զի ջուր բղխեաց յանապատի և գետ ի ծարաւուտ երկրի, և եղիցի անջուրն յեղտիւրս եւ աղբիւր ջուրց ի ծարաւուտ երկրի: Անդ եղիցի ուրախութիւն հաւուց եւ մակաղատեղք խաշանց, անդ մարգագետինք և խաղք: «Անդ եղիցին ճանապարհ մաքրեալ և ճանապարհ սուրբ կոչեսցի. մի՛ անցցէ ընդ նա պիղծ. եւ մի եղիցի անդ ճանապարհ պղծոյ. այլ ցըրուեալքն գնասցեն ընդ նա՝ եւ մի մուրեկացին: «Մի եղիցի անդ առիւծ, եւ մի ի գաղանաց չարաց ընդ այն մի անցանիցէ. եւ մի ամենեւին գոյի ի նմա. այլ ընդ նա գնասցին փըրկեալքն և ժողովեալքն վասն Տեառն:»

«Դարձցին և եկեսցեն ի Սիոն ցնծութեամբ՝ և ուրախութեամբ յաւիտենից ի վերայ գլխոց նոցա. զի ի վերայ գլխոց նոցա օրհնութիւն և ցնծութիւն, և ուրախութիւն հասցէ նոցա. մերժեցան: ցաւք՝ և արտմութիւնք և հեծութիւնք:»

ԱՌԱԿԻ ԵՒ ՀԱՆՃԱՐԵՂ ԲԱՆՔ

«Ուրի խնծոր ընդ սարգիոն յեռեալ, այնպէս է խօսել զբանս իմաստունս: (2)»

Բանք իմաստնոց իբրեւ զթման եղանց. և իբ-

(1) Եսայի ԼԵ: (2) Առակք ԻԵ. 11:

բեւ բեւեռք հարեալք 'ի մուրհակաց տուան
'ի հովուէ միոյն : (1) »

« Ուրպէս հողմք եւ ամպք եւ անձրեւք սաս-
տիկք . նոյնպէս են եւ որ պարծին 'ի տուրս
ստուծեան : (2) »

« ՅԱստուծոյ՝ երկիր եւ զպատուիրանս նորա
պահեա . զի այս է մարդն ամենեւին : (3) »

« Է ոսկի եւ բազմութիւն անդոց . եւ անօթ
պատուական՝ շրթունք գիտութեան : (4) »

Չատելութիւն գրգռէ հակառակութիւն, եւ
զամենեւին որ ոչ հակառակին ծածկէ սէր : (5) »

Եթէ հարցէ օձ 'ի թուլել, ոչ ինչ է առա-
ւելութիւն թովչին : (6) »

« Սակայն եւ 'ի մտի քում՝ մի անիծաներ թա-
գաւորի, եւ 'ի շտեմարանս սենեկաց քոց մի՝

անիծաներ մեծի . զի թուչունք երկնից հա-
սուցանեն զբարբառ քո, եւ որոց թեւք են
պատմեն զբան քո : (7) »

« Գանիւք հարուտծ զկապուտակ առնէ, իսկ
հարուած լեզուի խորտակեսցէ զոսկերս : (8) »

« Ուրպէս քաղաք կործանեալ 'ի պարսպաց
եւ անպարիսպ իցէ, նոյնպէս եւ այր, որ ոչ

խորհրդով ինչ գործիցէ : (9) »

(1) Ժողովող ԺԲ. 11:

(2) Առակք ԻԵ. 14:

(3) Ժողովող ԺԲ. 13:

(4) Առակք Ի. 15:

(5) Առակք Ժ. 12:

(6) Ժողովող Ժ. 11:

(7) Ժողովող Ժ. 20:

(8) Ժողովող ԻԲ. 24:

(9) Առակք ԼԵ:

« Ընդ առն լեզուանոյ մի՝ կռուիր, զի 'ի վե-
րայ հրոյ փայտ գի զես : (1) »

« Որ խնու զլսելիս իւր զի մի լուիցէ տկա-
րաց . և նա կարդասցէ առ Տէր, և ոչ լու-
իցէ նմա : (2) »

« Յակօսս անիրաւ մի՝ սերմաներ, զի մի հըն-
ձեացես եօթնպատիկ չար 'ի նմանէ : (3) »

« Իրեք բարեհաճոյեցան հողոյ իմոյ, որք
են ընտիրք առաջի Աստուծոյ և մարդկան .

միաբանութիւն եղբարց, և սէր մերձաւո-
րաց, և առն և կնոջ բարւոք առ իրեարս

համակամութիւն : (4) »

« Պսակ ծերոց որդիք որդւոց, պարծանք որդ-
ւոց հարք իւրեանց : (5) »

Երեք են զոր ատեաց անձն իմ, և գարշե-
ցայ յոյժ 'ի կենաց նոցա : Չհպարտ աղքատ

և զմեծատուն սուտ՝ զալեւոր պոռնիկ և
պակասեալ 'ի մտաց : (6) »

« Իմաստութիւն ծերոց պսակ, և պարծանք
նոցա երկիւղ : (7) »

« Ընդ գեղ մարդոյ մի՝ զարմանար, և զայր
յականէ մի խտեր : Ի թուչունս փօքր է մե-

ղու, եւ պտուղ նորա գեղեցիկ : (8) »

« Ուրդեակ՝ ծանր ինչ քան զքեզ 'ի վեր մի՝

(1) Սիրաք Ը. 4

(2) Առակք ԻԱ. 13:

(3) Սիրաք Է. 3:

(4) Սիրաք ԻԵ. 4:

(5) Առակք ԺԷ. 6:

(6) Սիրաք ԻԵ. 3-4:

(7) Սիրաք ԻԵ. 8:

(8) Սիրաք ԺԱ. 2:

առնուր, և որ մեծատուն է և հզօր՝ ընդ նմա մի հսկառակիր:

Զինչ հաւասար է պոյտ ընդ կաթսայի, զի 'ի բազխել առ իրեարս՝ 'ի կաթսայէ մանրի կան: (1) »

« Հրաւիրեալ 'ի կարողագունէ գնա, զի յայսմանէ առաւել զքեզ հրաւիրեսցէ, մի վատթար լիցիս, և մի ըմբոստացիս, և մի հեռի լիցիս 'ի նմանէ, մի գնացես 'ի մոռացումն: « Ծնունդ չար՝ զհայր իւր անծանէ, և ըզմայր իւր ոչ օրհնէ: Ծնունդ չար առ արդարս ունի զանձն իւր. և զելս անձին իւրոյ ոչ լուացաւ: Ծնունդ չար՝ ամբարտաւան աչս ունի. և յարտեւանունս իւր հպարտանայ: Ծնունդ չար՝ իբրեւ զսուսեր ունի զատամունս իւր, և զժանիս իւր իբրեւ զկարոցս. մաշել և ուտել զխոնարհս երկրի, և ըզտնանկս 'ի մարդկանէ: (2) »

« Երեք են զորս անհնար է ինձ խմանալ, և զչորրորդն ոչ ճանաչեմ: Զհետս արծւոյ թռուցելոյ. և զճանապարհ օձի 'ի վերայ վիմի. և զչաւիղս նաւի ընդ ծով գնացելոյ, և զճանապարհս առն երիտասարդի:

« Իրիւք չարժի երկիր, և չորրորդին ոչ կարէ հանդարտել. եթէ ծառայ թագաւորեոցէ. և անմիտն՝ եթէ՝ յագեացի հացիւ, և աղախին

(1) Միրաք Ժ. 2, 3: (2) Առակք 1, 11-14:

եթէ հանէ զտիկին իւր, և կին ստելի՝ եթէ դիպեսցի առն բարւոյ:

Զարք են որ փոքր են յերկրի. և սուրա իմաստնադոյնք են. քան զիմաստունս: Մըջիւն՝ որոյ ոչ գոյ զօրութիւն, և պատրաստէ ամարայնոյ զվերալուր իւր: Եւ ճաղար, ազգ անհզօր որ արարին 'ի վէմ զդադարս իւրեանց: Առանց թագաւորի է մարախ, և զօրաժողով լինի իբրեւ 'ի միովէ հրամանէ օրինօք: Եւ սարդ՝ կռուեալ ձեռօք յորմ, որ դիւրին է առ որսալ, բնակէ 'ի յարկս թագաւորաց: (1) »

ՅԱՅՏՆՈՒԹԻՒՆ

(Սրբոյն Յովհաննու յայտնութիւնը, որ արդարեւ մարգարէի յայտնութիւն մ'է՝ կ'իմացնէ Եկեղեցւոյն կրեւիք հալածանքը, և Անոր պատրաստուած յաղթանակը:)

« Եւ Յովհաննէս եղբայր ձեր, եղեւ յիս հոգի 'ի կիւրակէի աւուր, և լուայ զձայն զհետ իմ զմեծ իբրեւ զձայն փողոյ՝ որ ասէր ցիս գրեալ 'ի գիրս, զոր աւետանես:

« Եւ տեսի աթոռ մի՝ զի կայր յերկինս. և 'ի վերայ աթոռոյն նստէր նման տեսլեան ականց յասպւոյ և սարգիոնի:

« Եւ քահանայք շուրջ զաթոռովն՝ նմանք տես-

(1) Առակք 1, 18-19 21-28:

լեան զըմբըխտի. և չուրջ զաթուռոյն՝ աթուռ-
քսան և չորք, և ի վերայ աթուռոյն նստէին
քսան և չորք երիցունք՝ զգեցեալ հանդերձս
սպիտակս, և ի գլուխ իւրեանց պսակս ոս-
կիս, եւ յաթուռոյ անտի ելանէին փայլատակ-
մունք և ձայնք և սրտամունք. եւ եօթն զամ-
բարք հրոյ բորբոքելոյ առաջ ի աթուռոյն, որք
են եօթն հոգիքն Աստուծոյ:

«Եւ էր առաջի աթուռոյն ծով ապակեղէն՝
նման սպիտակութեան սառին, և ի մէջ ա-
թուռոյն չորք կենդանիք՝ և լի էին աչօք ա-
ռաջոյ եւ յետոյ: Եւ ոչ հանդէսին՝ ոչ զտիւ-
եւ ոչ զգիշեր՝ ասելով սուրբ, սուրբ, սուրբ,
Տէր Աստուած ամենակալ՝ որ էն և ես, և
որ գալոց ես: Եւ էր կենդանին առաջին նման
առիւծու, եւ երկրորդ կենդանին նման զուա-
րակի, և երրորդ կենդանին երես մարդոյ,
և չորրորդ կենդանին նման արծուոյ թռուցելոյ:
«Եւ յորժամ տային կենդանիքն փառս և պա-
տիւ և գոհութիւն նստելոյն ի վերայ աթուռոյն՝
կենդանոյն յաւիտեանս յաւիտենից. եւ դնէ-
ին զպսակս իւրեանց առաջի աթուռոյն ասե-
լով, արժանի ես Տէր Աստուած մեր սուրբ՝
առնուլ փառս և պատիւ և զօրութիւն, զի
դու ստեղծեր զամենայն՝ և ի կամելն քո
ստեղծան՝ և կան հաստատուն:

«Եւ տեսի ի ձեռս աշոյ՝ որ նստէր ի վերայ
աթուռոյն գիրք՝ գրեալ ներքոյ եւ արտաքոյ

և կնքեալ եօթն կնքով: Եւ տեսի հրեշտակ մի
զօրաւոր՝ զի քարոզէր ի ձայն մեծ. ու է արժա-
նի բանալ զգիրքս՝ և լուծանել զկնիք նորա:
Եւ ես լայի ուժգին զի ոչ ոք գտաւ արժանի
բանալ զգիրքն՝ եւ հայել ի նա:

Եւ իմէջ երիցանցն՝ գառն կայր զենեալ և եկն
ընկալաւ յաշոյ ձեռանէ նորա՝ որ նստէր ի վերայ
աթուռոյն: Եւ յորժամ առ զգիրն, չորք կեն-
դանիքն եւ քսան եւ չորք երիցունքն ան-
կանէին առաջի գառինն, եւ ունէին իւրաքան-
չիւր քնար՝ և բուրվառ ոսկի լի խնկով, որ է
աղօթք սրբոցն. եւ օրհնէին երգս նորս եւ
ասէին. արժանի ես առնուլ զգիրք՝ եւ
բանալ զկնիք դորա, զի զենար՝ եւ գնեցիր
զմեղ Աստուծոյ արեամբք քով՝ յամենայն ազ-
գաց և ի լեզուաց և ի ժողովոց հեթանոսաց:

«Եւ տեսի՝ և ահա ձի շրուռս, և որ նստէրն
ի վերայ նորա՝ ունէր զմահ, եւ դժոխք եր-
թային զհետ նորա. եւ տուաւ նմա իշխանու-
թիւն չորրորդ մասին աշխարհի՝ սատակել սրով
և սովով և մահուամբն և գազանօք երկրի:
«Եւ յորժամ եբաց զկնիքն հինգերորդ՝ տե-
սի ի ներքոյ սեղանոյն զհոգիս ամենայն մարդ-
կան կնքեալ վասն բանին Աստուծոյ՝ եւ վասն
վկայութեան նորա զոր ունէին... և տուաւ
արկանելիս սպիտակս, և արմատենիս ի ձե-
ռս իւրեանց:

«Եւ տեսի յորժամ եբաց զկնիքն վեցերորդ՝
եղեւ շարժումն մեծ, և արեգակն եղեւ

սեաւ իրրեւ ղկապերս այժեայ, և լուսին
բոլորովին եղեւ արին. եւ աստեղք երկնից
թօթափեցան ի յերկիր, որպէս տերեւ թը-
գենայ զի ուժգին շարժիցի ի հողմոյ. եւ
երկին իրրեւ զմագաղաթեայ գիրս գալարէր.
և ամենայն լերինք և կղզիք ի տեղւոյ իւր-
եանց շարժեցան:

«Եւ թագաւորք երկրի և իշխանք՝ հաղարա-
պետք և մեծամեծք և զօրաւորք՝ և ամե-
նայն ծառայք, եւ ամենայն ազատք՝ թագու-
ցին զինքեանս յայրս եւ ի ծերպս վիմաց:
«Եւ ասէին լերանց թէ՝ անկերուք ի վերայ
մեր, եւ ցրլուքս՝ թէ ծածկեցէք զմեզ. զի
եկն օր մեծ բարկութեան նորա, եւ ո՞վ կա-
րէ կալ առաջի նորա:

«Եւ եղեւ ձայն յերկինս եւ ասէ. եղեւ թա-
գաւորութիւն ամենայն տիեզերաց Տեառն
մերոյ՝ Յիսուսի՝ Քրիստոսի իւրոյ, և թագաւորեա-
լէ ի վերայ ամենայնի յաւիտեանս յաւիտենիդ:
«Եւ նշան մեծ երեւցաւ յերկինս, կին մի
արկեալ զիւրեաւ զարեգակն, եւ լուսին ի
ներքոյ ոտից նորա. եւ ի վերայ գլխոյ նո-
րա պսակ աստեղեայ յերկրորդասանից:

«Եւ երեւեցաւ այլ նշան յերկինս՝ եւ ահա-
ւասիկ վիշապ մի մեծ հրեղէն, որոյ էին գը-
լուխք եօթն՝ և եղջիւրք տասն, և ի վերայ նորա
եօթն խոյրք, եւ վիշապն կայր առաջի կնոջն՝ որ
հանդերձեալ է ծնանել, զի յորժամ ծնցի կի-
նըն զորդի իւր՝ կլցէ զնա վիշապն:

«Եւ յափշտակեցաւ որդի նորա առ Աստուած, և
առաթոռնորա և կինն նորա փախեաւ յանապատ
ուրէր տեղի նմա պատրաստեալ յԱստուծոյ:
Եւ եղև պատերազմ յերկինս, Միքայէլ և հրեշ-
տակք իւր կռուէին ընդ վիշապին. եւ անկաւ
վիշապն:

«Եւ տեսի՝ եւ ահա գառն կայր ի վերայ լերին
Միովնի, և ընդ նմա հարիւր քառասուն և չորս
հաղարք, որ ունէին զանուն նորա, եւ անուն
հօր նորա գրեալ ի վերայ ճակատուց նոցա:
«Եւ լուայ ձայն յերկնից՝ որպէս՝ զձայն ջուրց
բազմաց՝ եւ ձայն որոտման մեծի: Սուքա են՝
որ ընդ կանայս ոչ խառնակեցան, եւ են մա-
քուրք եւ անրիժք առաջի Աստուծոյ:

«Եւ տեսի այլ հրեշտակ թռուցեալ ի մէջ
երկնից, եւ ունէր աւետիս յաւիտենական
աւետարանել ամենայն ազգաց, եւ լեզուաց
որ բնակեալ են յերկրի:

«Եւ այլ հրեշտակ երկրորդ գայր զհետ նորա
եւ ասէր, անկաւ անկաւ Բաբելոն մեծն՝ ի
գինւոյ արբեցութենէ՝ ի ցասմանէ՝ ի պոռնկու-
թենէ իւրմէ, որ արբեցոյց զամենայն հեթանոսս:
«Եւ տեսի՝ եւ ահա ամպ սպիտակ. եւ ի վե-
րայ ամպոյն նստէր նման որդւոյ մարդոյ, եւ
ի գլուխ իւր պսակ ոսկի, եւ ի ձեռին իւ-
րում՝ ունէր գերանդի սրեալ:

«Եւ այլ հրեշտակ եւրանէր յերկնից, աղաղա-
կէր ի ձայն մեծ՝ եւ ասէր. որ նստիւող ի
վերայ ամպոյդ՝ առաքեա զգերանդիդ. քո՝

եւ հնձեա, զի եկն ժամանակ հնձոց, եւ հասեալ են հունձք երկրի:

«Եւ արկ հրեշտակն զգերանդի իւր յերկիր, եւ կթէր զխաղող նորա եւ արկանէր 'ի հընժանն Աստուծոյ 'ի մեծ: Եւ կոխեցաւ հնժանն արտաքոյ քաղաքին, եւ ելանէր 'ի հնժանէն արիւն մինչեւ 'ի սանձս ձիոյն. եւ երկայնութիւն նորա հազար եւ վեց հարիւր ասպարէս: «Եւ եկն մի ոմն յեօթն հրեշտակացն՝ որք ունէին զեօթն սկաւառական. խօսեցաւ ընդ իս՝ եւ ասէ. եկ այսր եւ ցուցից քեզ զգատաստանս մեծ պոռնկին՝ որ նստի 'ի վերայ ջուրց բաղմաց, ընդ որում պոռնկեցան թագաւորք երկրի, եւ արքեայան բնակիչք երկրի 'ի գինւոյ արբեցութեան պոռնկութեան նորա:

«Եւ տեսի զկինն արբեցեալ յարենէ սրբոց՝ եւ յարենէ ամենայն վկայիցն:

«Եւ այլ հրեշտակ իջեալ յերկնից աղաղակեաց 'ի ձայն մեծ՝ ասելով. անկաւ Բաբելոն մեծն, որ եղեալ էր բնակութիւն դիւաց, եւ արգել ամենայն այսոց պղծոց, եւ բանդ պահպանութեան ամենայն ոգւոց անսրբից եւ ատեցելոց: Եւ լուայ ձայն յերկնից զի ասէր, ելէք 'ի միջոյ դուրա ժողովուրդիմ, զի մի հազորդ լիցիք մեղաց դուրա, եւ մի զհարուածս դուրա ընդունիցիք, զի հասին կեցեցան մեղք դոցա մինչեւ յերկինս, եւ յիշեաց Աստուած զամպարշտութիւնս գորա: Վասն այնորիկ 'ի միում աւուր եկեայցեն 'ի վերայ դուրա հարուածք՝ մահ, եւ սուգ, եւ սով, եւ

'ի հուր այրեացի... եւ լայցեն եւ կոծեոցին 'ի վերայ դուրա թագաւորք երկրի՝ որք ընդ դմա պոռնկեցան եւ խաղացին. եւ հեծեացեն յորժամ տեսցեն զծուխ կիզման տանջանաց դուրա:

«Եւ վաճառականք երկրի ողբասցեն եւ սգասցեն 'ի վերայ քո, զի զբեռն նոցա ոչ ոք դնէ, եւ շահք որ 'ի քէն՝ ոչ եւս իցէ, ոսկւոյ եւ արծաթոյ եւ ականց պատուականաց՝ եւ մարդարոաց եւ բեհեզոյ եւ ծիրանւոյ եւ ոսկեթելի եւ որթան, եւ ամենայն փայտ խնկոյ եւ ամենայն անօթ փղոսկրեայ, եւ ամենայն անօթ 'ի փայտէ պատուականէ եւ 'ի պղնձոյ եւ յերկաթոյ եւ 'ի կճոյ... եւ ասացեն, վայ, վայ, քաղաք մեծ. որ զգեցեալ էիր բեհեզս եւ ծիրանիս եւ մարդարիտս:

«Եւ առ հրեշտակն հօր՝ քար մի իբրեւ զերկան մեծ, եւ ընկէց 'ի ծով՝ ասելով. այսպէս յարձակմամբ անկցի Բաբելոն քաղաք մեծ, եւ այլ ոչ եւս գոցի:

«Եւ յետ այնորիկ լուայ ձայն մեծ բազմութեան յերկինս՝ ասելով. Սէլլուիա, վասն զի թագաւորեաց Աստուած Ամենակալ:

«Խնդամք եւ տամք փառս նմա, զի եկն հարսանիք գառինն:

«Եւ կինն հարս նորա պատրաստեաց զինքն. եւ տուաւ նմա զգենուլ բեհեզս սպիտակս սուրբս եւ լուսափայլս. որ է բեհեզս արդարութեան սրբոց:

«Երանելիք են ամենեքեան՝ որ կոչեցեալ են

յընթրիս հարսանեաց գառնին :

«Եւ տեսի զերկինս բացեալ, և ահա ձի սպիտակ, որ հեծեալն էր ի նմա հաւատարիմ և ճշմարիտ, և արդարութեամբ գառի՝ և պատերազմի. և աչք նորա բոյ հրոյ, և ի վերայ գլխոյ նորա պսակս բազումս. և ունէր անուն գրեալ, զոր ոչ ոք գիտէ՝ բայց միայն ինքն, եւ արկեալ զիւրեւ հանդերձ ներկեալ արեամբ, և կոչէր անուն նորա Բան Աստուծոյ. եւ զօրափարք երկնից և զօրք երկնից զհետ երթային նորա ձիովք: Եւ ի բերանոյ նորա ելանէր սուր սրեալ:

«Եւ տեսի այլ հրեշտակ՝ աղաղակեաց ի ձայն մեծ ամենայն հաւուց թուուցելոյ ընդ մէջ երկնից՝ ասելով. եկայք ժողովեցարձք յընթրիս մեծին Աստուծոյ, և կերջիք զմարմինս թագաւորաց, եւ զմարմինս երեւարաց և ամենայն հեծելոյ ի նոսա, և զմարմինս աղատաց և ծառայից մեծի և փոքու:

«Եւ տեսի զգազանն՝ և զթագաւորս երկրի և զզօրս նոցա ժողովեալս առնել պատերազմ՝ ընդ նմա որ հեծեալն էր ի ձի սպիտակ և ընդ զօրս նորա: Եւ ըմբռնեցաւ գազանն, և որ ընդ նմա սուտ մարդարէն և կենդանւոյն արկին զնոսա ի լիճ հրոյ այրեցելոյ ծծմբով. և այլքն մեռան ի սրոյ հեծելոյն ի վերայ ձիոյն՝ յորոյ բերանոյ ելանէր սուրն, և ամենայն թուշունք յադեցան ի մարմնոց նորա:

«Եւ տեսի այլ հրեշտակ զի ի լանէր յերկնից,

և ունէր զփականս դժոխոց, և չղթայս մեծ ի ձեռին իւրում, և ըմբռնեաց զվիշապն զառաջին որ է բանսարկուն և սատանայ, և կապեաց զնա հազար ամ, և արկ զնա յանդուներս դժոխոց, և փակեաց և կնքեաց զնա զի այլ մի եւս մուրեցուցէ զազգս:

«Եւ յետ հազար ամին լուծցէ զսատանայ՝ և հանցէ ի բանտէ անտի, ելցէ և մուրեցուցէ զազգս ամենայն ընդ չորս կողմանս երկրի: Եւ իջցէ հուր յերկնից առ ի յԱստուծոյ և կերիցէ գնոսա, և տեսի զմեռեալս մեծամեծս և զփոքունս որ կային առաջի աթոռոյն: Եւ այլ գիրք բացաւ կենաց, և դատեցան մեռեալք, ի գրեւոյն ըստ գործոց իւրեանց, և որ ոչ ոք գտաւ ի գիրն կենաց գրեալ՝ արկաւ ի լիճ հրոյն:»

(Երկիրը գատուեցաւ, չարերը պատժուեցան, արդարները բաղմնեցան յաւիտեականին դահուռ չուրջը և երկնային Սիօնը հնչեց որբոց երգերով:)

«Եւ տեսի երկինն նոր, երկիրն նոր, և գրադաքն սուրբ զնորն Նրուսաղէմ տեսի՝ զի ի լանէր յաստուծոյ և յերկնից՝ զարդարեալ և պատրաստեալ որպէս հարսն՝ առն իւրոյ: Եւ լուայ ձայն մեծ յերկնից՝ որ ասէր, մահ ոչ եւս գոյ, ոչ սուգ՝ և աղաղակ, ոչ ցաւք և ոչ աշխարհաւք ոչ եւս գոյ:

«Եւ եկն առ իս մի յեօթն հրեշտականց և առ տարաւ զիս ի լեռան մի բարձր և մեծ՝ հոգ-



ւովն, և եցոյց ինձ դքաղաքս մեծ և սուրբ՝
Երուսաղէմ, զի իջեալ էր յերկնից առ ի յԱ-
տուծոյ: Եւ ունէր զփառս Աստուծոյ: Եւ էր
'ի նմա լուսաւորութիւն նմանեալ ականց պատ-
ուականաց՝ քար յասպիւս սառնատեսակ և
կենդանի:

«Եւ էին պարիսպք նորա մեծ և բարձր, և ունէր
դրունս երկոտասան, և անուանք իւրաքանչիւ-
րոց ի վերայ դրանցն գրեալ էին ըստ երկո-
տասան ցեղիցն Իսրայէլի: Եւ պարիսպ քաղա-
քին ունէր հիմունս երկոտասան, և ի նոսա
երկոտասան անուանք երկոտասան առաքե-
լոց գառինն:

«Եւ էր շինուած պարսպաց քաղաքին յաս-
պիւս, և քաղաքն էր ոսկի մաքուր, և հիմունք
քաղաքին յամենայն ականց պատուականաց,
և էին երկոտասան դրունք յերկոտասան մար-
դարաց: Եւ տաճար ոչ տեսի ի նմա, քանզի
Տէր Աստուած ամենակալ տաճար էր ի նմա՝

և գառնն:

«Եւ քաղաքին չէին պէտք արհեստն և լուս-
նի, զի լուսաւորեցեն զնա, քանզի փառքն
Աստուծոյ լուսաւորէին զնա յամենայն ժամ:
և գնային հեթանոսք ի լոյս նորա:





ՏՊԱԳՐԵԱՆ ՀՐԱՄԱՆՈՒ ՄԷՍԻՅՈՒ

ԳԻՆ 100 ՓԱՐԱՅ

1400



1400

ՀՀ Ազգային գրադարան



NL0028347

